

## USLOVI KORIŠTENJA

Korištenje web stranice Lyoness Europe AG (u nastavku kratko „Lyoness“) odvija se po ovdje navedenim Uslovima korištenja. Za Lyonet Marketere osim toga vrijedi zaključeni Lyonet Ugovor. Korisnici ove web stranice prihvaćaju ove Uslove korištenja i saglasni su da Lyoness ni u kojem slučaju ne može biti odgovoran za korištenje ove web stranice. Lyoness ima pravo ove Uslove korištenja povremeno aktualizirati, tj. promijeniti i dopuniti.

Lyoness će nastojati na ovoj web stranici prezentirati tačne i aktuelne informacije. Međutim, Lyoness ne odgovara za navode i informacije objavljene na ovoj web stranici. Korisnici ove web stranice saglasni su da se pristup i korištenje ove web stranice i njezinog sadržaja odvija na vlastiti rizik. Lyoness ne odgovara za štete proizašle iz pristupa, korištenja, odnosno nemogućnosti korištenja ove web stranice ili bilo kojeg nesporazuma ili propusta.

Sve datoteke sa slikama, tekstovima i zvukovima kao i animacijama, video snimkama itd. te svi drugi sastavni dijelovi ove web stranice zaštićeni su autorskim pravima i ne smiju se u cijelosti ili djelomično umnožavati, preuzimati, mijenjati, ponovno koristiti, prosljeđivati ili na drugi način koristiti, bez prethodnog, izričitog odobrenja u pisanom obliku. U internom području predviđenom za preuzimanje (download) ovi se dokumenti smiju koristiti isključivo za privatne svrhe.

Lyoness zadržava pravo, po potrebi, osobama uskratiti podršku i/ili slanje datoteka ukoliko za to postoje opravdani razlozi.

Za sve slučajeve nezakonitih aktivnosti ili informacija za koje postoje elektronski dokazi, koji povezuju ovu stranicu s drugim ponudama na world wide web-u, kao i za sadržaje koji se ustupaju na korištenje od strane osoba prilikom razmjene kontakata na našim forumima, Lyoness odgovara samo u slučaju da je za iste stvarno znao, te i pored toga Lyoness nije uklonio te informacije ili nije blokirao pristup tim informacijama. Lyoness ima pravo u bilo kojem trenutku izbrisati diskriminirajući, nepristojni, moralno neprihvatljivi ili nezakoniti sadržaj.

Rado ćemo Vam odgovoriti na sva Vaša pitanja o Uslovima korištenja i Opštim uslovima poslovanja. U tu svrhu kontaktirajte:

Lyoness Europe AG

Bahnhofstrasse 22

9470 Buchs

Schweiz

international@lyconet.com

## ISKLJUČENJE OD ODGOVORNOSTI

1. Lyoness Europe AG (u daljem tekstu “Lyoness“) ne odgovara za aktuelnost, tačnost, potpunost, pravilnost i/ili kvalitetu ponuđenih informacija. prethodno navedeno vrijedi i

za sve, na ovoj web stranici, ponuđene proizvode i usluge, uključujući opis proizvoda, cijenu kao i ponuđene informacije o ugovornim partnerima Lyoness-a. Tehničke greške i/ili radovi na održavanju, kao i ostali razlozi (npr. re-launch internet stranice) mogu privremeno ili na duži period onemogućiti pristup. Lyoness ne odgovara za korištenje i pristup internetskoj stranici. Odgovornost Lyoness-a za materijalu ili nematerijalnu štetu (kao npr. izgubljena dobit, šteta na osnovu izgubljenih podataka, neosnovano bogaćenje, troškovi odvjetnika ili troškovi sačinjavanja ugovora i sl. u skladu sa Zakonom o obligacionim odnosima), nastalu uslijed korištenja ponuđenih informacija odnosno pogrešnih i nepotpunih informacija, je isključeno, osim ukoliko Lyoness nije nanio štetu namjerno ili grubom nepažnjom. Sve ponude su neobvezujuće. Lyoness zadržava isključivo pravo da bez prethodne obavijesti izmijeni, dopuni ili izbriše dijelove web stranice ili cjelokupnu ponudu ili da privremeno ili za stalno ukloni objavljenu ponudu.

2. Nadalje, Lyoness nije odgovoran za hyperlink-ove i njihov sadržaj. Lyoness ne odgovara za aktuelnost, tačnost, potpunost, pravilnost i/ili kvalitetu ponuđenih informacija. Odgovornost za to preuzima ponuđač web stranice na koji vodi hyperlink. Lyoness nema utjecaja na aktuelan ili budući sadržaj ili autorska prava hyperlink-ova. Stoga Lyoness ne odgovara za sadržaj hyperlink-ova koji su promijenjeni, nakon postavljanja linka, te ne odgovara ni za unose i navode stranih osoba u knjigu gostiju, na forume i mailing liste uređene od strane Lyoness-a. Kontrola sadržaja hyperlink-a nije moguća bez konkretnih dokaza o povredi zakona, te se oni uklanjaju neposredno nakon saznanja o povredi nekog propisa.

3. Ova web stranica se smije koristiti samo u informativne, privatne i poslovne svrhe. Cijeli sadržaj ove web stranice je zaštićen autorskim pravima. Ovo vrijedi neovisno o tome, jesu li sadržaji stavljeni na raspolaganje besplatno ili uz naknadu. Umnožavanje, korištenje, posuđivanje uz ili bez naknade, objavljivanje ili neka druga vrsta korištenja nije dozvoljena bez izričitog, pismenog odobrenja od strane Lyoness-a. Kršenje ove zabrane može imati pravne posljedice. Lyoness izričito zadržava autorska prava, prava žiga i prava korištenja (pravo i odobrenje na korištenje djela i sadržaja) na ovoj web stranici.

4. Lyoness veliki značaj pridaje pažljivom i povjerljivom korištenju ličnih podataka. U slučaju da u okviru internetske ponude postoji mogućnost unosa ličnih ili poslovnih podataka (e-mail adrese, imena, adrese stanovanja), korisnik može dobrovoljno odlučiti želi li dati svoje podatke ili ne.

5. Isključenje od odgovornosti sastavni je dio internetske ponude. U slučaju da dijelovi ili pojedinačni pojmovi u ovom tekstu više ne odgovaraju (u potpunosti) važećem pravnom stanju, sadržaj i valjanost ostalih dijelova dokumenta ostaju na snazi.

6. Nadalje, Lyoness ne odgovara za sadržaje kreirane od strane korisnika, objavljene na stranici. Lyoness ne odgovara za štete proizašle objavom i korištenjem tog sadržaja. Svako ko ostavlja bilo kakve komentare/ocjene na web stranici, sam odgovara za njih kao njihov autor. U slučaju povrede prava trećih, uzročnik je obvezan zaštititi Lyoness od potraživanja trećih lica. Lyoness zadržava pravo brisati sadržaj u slučaju da sazna da taj sadržaj krši prava, poslovnu praksu ili na neki drugi način šteti ugledu Lyoness-a. U tom slučaju ne postoji pravo potraživanja prema Lyoness.